



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annalium Paderbornensium Pars ...

Complectens Inprimis Fusiozem Episcoporum Paderbornensium, Deinde Succinctiorem Historiam Reliquorum Per Westfaliam Antistitum, Tum Res Gestas Aliorum In Eadem Hac Regione Clarorum Virorum, Postremo Pontificum, Imperatorum, Principum &c. Gesta, maxime ea, quae Westfaliam contingunt

Ab anno Christi 1500. usq[ue] ad annum 1618. inclusivè

Schaten, Nicolas

Nevhvsii, 1741

Praefatio ad Lectorem.

urn:nbn:de:hbz:466:1-7785

ANNALIUM
PADERBOR-
NENSIIUM
PARS III.

ANNA-
LUM
PADERBOR-
NENSIVM

PARS III.

Reverendissimo

Excellentissimo &c. &c.

Dilectissimo &c. &c.

Præfatio ad Lectorem.



desi tandem, benevole Lector, diu desiderata Annalium Paderbornensium Continuatio, sive Pars Tertia; Authore R. P. Michaële Stranck Societatis Jesu. Opus limatum satis; nec tamen ultimis perpolitur curis, quod operi immortalis Author, extremam applicare manum, haud potuerit. Et ne fortassis tarditatem Scriptoris in absolvendo opere incuses, aut annis justo pluribus sub incude opus sudasse putes; cogita, quid hac in re Horatius moneat: potius reprehendum censet ille omne opus literarium, Quod non multa dies, non multa litura coercuit: nonumque, inquit, prematur in annum, quod publico, aut luci committere velis.

Horatius de arte Poetica versu 294. & 388.

Non diffiteor tamen, proditum multo citius fuisse hoc volumen, mole simul, et elegantia majore, nisi Scriptor complures annos in revidendis, quos Schatenius scripsit, libris consumpsisset; tum ut emendaret, si qua errata in Schatenio occurrerent; tum ut adderet, quæ ex inopia documentorum ab Authore pratermissa, animadverteret. In utroque genere plurium annorum laborem invenit, nec inutilem; fructum enim sic impensi laboris habemus satis amplum, et dignum, qui aliquando cum erudito orbe per typum communicetur. Varia etiam negotia, (exempli causa, Sancti Liborii vita germanico et latino idiomate conscripta) quæ à Statibus Patria Scriptori imposita sunt, multum retardarunt calami velocitatem. Denique postremis annis sæpe intervenientes morbi, et curanda valetudo infirmior multum Scriptori ademuit temporis; atque ex his consecuta mors totum laborem abruptit. Igitur huic operi cum eo, cujus continuatio est, commune fatum fuit, quod posthumum sit, ultimam Authoris limam carens: felix tamen illud dixerim, si verum est, quod Poëta canit:

Scripta placent à morte ferè; quia lædere vivos
Livor, & injusto carpere dente solet.

Ovid. de Pont.
lib. 3. Eleg. 4.

Quamquam haud facile malevolentia, quod mordeat, inveniet. Procul à genio scriptoris plus æquo floridum et calamistratum scribendi genus: satis habuit vir omni excultus literaturâ, nudam hinc, se ipsa ornatam satis veritatem proposuisse. Ut enim in vita verè Religiosus, comis semper, et candidus absque artificio mundana calliditate exiit; sic in scriptis modestia ejus, et nativus quidam candor elucet: atque ita, ubi historia fert, scelera perstringit, et tangit vulnera, ut non insigere aculeum, sed sanare velle videatur. Episcopi Paderbornenses, quorum vita hac in parte percurritur, sequentes sunt:

Hermannus Archiepiscopus Coloniensis, Administrator Paderbornensis. Eri-
cus Dux Brunsvicensis de Grubenhagen. Hermannus II de Wieda, Archi-
episcopus Coloniensis, Administrator Paderbornensis. Rembertus à Kersen-
broich. Joannes II. Comes de Hoya. Salentinus Comes de Isenburg. Henricus
Saxo Lawenburgicus, Archiepiscopus Bremensis, Administrator Paderbor-
nensis.

nensis. Theodorus de Fürstenberg. Horum autem res gesta, dum recensentur, fit subinde digressio extra fines Patriæ ad finitimarum Diocesum turbas; ad tumultus Lutheri, et Anabaptistarum; ad seditiosos Belgarum motus; ad Gebhardi Truchsesii, Coloniensis Archiepiscopi defectionem, ad Archiepiscopos Moguntinos, Metropolitans nostros; ad urbes Imperiales, ad cetera, quæ Pontifici, quæ Cæsari per seditionem, aut per bella evenerunt. Ità enim fieri jubet titulus, cuius anno de Pontifice, de Imperatore præfixus. Quorsum enim ille, si quandoque mentio de utrisque non fieret? et certe timendum esset, ne jejuna nimium, et exilis historia, minimè expleret Lectoris famem, nisi scriptor, Schatenii exemplo, subinde limites Diocesis hujus egressus, ex connexis Germaniæ partibus novam scribendi materiem accerseret; novàsque apponeret dapes. Fruere his Lector, vale, et fave.

APPROBATIO LIBRI & PRIVILEGIUM CÆSAREUM.

Cùm ex mandato sacræ Cæsareæ Majestatis omnibus, & singulis Typographis, Bibliopolis, ac aliis quibuscunque libreriam negotiationem exercentibus seriò, firmitèrque inhibeatur, ne quisquam libros ullos à Societatis nostræ Patribus hætenus editos aut imposterum edendos intrà Sacri Romani Imperii, Regnorum, & Dominiorum Sux Cæsareæ Majestatis hæreditariorum fines, simili, aliòve Characterè aut formâ, sive in toto, sive in parte excudere, vel aliò excudendos, recudendos mittere, vendere, distrahere clàm, seu palàm citra supra dictorum Patrum consensum ac testimonium audeat, vel præsumat.

Ego FERDINANDUS LIMPENS Societatis Jesu per Provinciam Rheni inferioris Præpositus Provincialis, potestate mihi ab Admodum Reverendo Patre Nostro FRANCISCO RETZ Præposito Generali ad id factâ concedo FERDINANDO JOSEPHO SCHIRMER, Reverendissimi & Serenissimi Archi-Episcopi & Principis Electoris Coloniensis, & Episcopi, ac Principis Paderbornensis &c. Typographo Aulico facultatem excudendi librum, cui titulus: ANNALIUM PADERBORNENSIIUM Pars III. à P. Michaële Strunck Societatis ejusdem Sacerdote publico usui donatum, atque à deputatis ad id Patribus ejusdem Societatis lectum, & approbatum, eidemque jus Cæsarei Privilegii usurpandi eatenus indulgeo, ut librum hunc nemo alius recudere sive in toto, sive in parte, vel aliò recudendum mittere, vendere, distrahere possit. Hâc tamen lege, ut Typographus mittat quinque exemplaria Viennam ad Excelsum Consilium Imperiale Aulicum. In quorum omnium fidem has litteras manu propriâ subscriptas, & Officii Sigillo munitas dedi Treviris 22da Septembris 1740.

FERDINANDUS LIMPENS. (L.S.)